

曲沃縣新志

石

第二本

城池

公署

學校

壇壝

祠廟

坊表

古蹟

陵墓

寺觀

74092

新修曲沃縣志卷之七

知縣 張 坊 纂輯

城池 附市肆村鎮

鯀築城以衛君。造郭以守民。而禹繼之。彊者攻。弱者守。敵者戰。此城郭之始也。天子九仞。公侯七仞。伯五仞。子男三仞。築斯城也。鑿斯池也。溝深斯壘高矣。曲沃古城。五侯三伯欒氏食邑後。蕩而為黍離。北魏移治。荒蕪餘遺址焉。新田都十三公。而絳縣。而絳邑縣。今星羅十堡。不儼然古崇墉哉。獻公為申生築新城。隋因徙為縣治。唐宋至今。千年因之。然嘉靖時第加外城。築以土。甃以堞。修旋圯已。估千金。計緩工。皆非所以壯金湯也。有心賢守土。周覽於二府二鎮。及四鄉村堡。幸留意於邑之衛守。志城池

新修曲沃縣志

卷七

城池

一

縣城

隋開皇十年。自樂昌堡徙治今址。始築土城。唐宋元因之。明洪武二年。縣丞邢彥文重修。

正統十四年。知縣張寧大修。周三里五十步。高二丈五尺。厚如之。隍深二丈五尺。濶四丈。

正德十一年。知縣葛禴增築雉堞。甃以甗。建城樓四。角樓四。舖舍二十有五。門四。曰迎暉。曰覽翠。曰望汾。曰拱極。

嘉靖二十二年。知縣陳萬言。自舊城東北西南二角加築。高厚如舊城。周六里五十步。四面共計堞口四百七十。炮臺二

十五。始闢北門一。南門二。東門二。西門一。合舊西門二。共八門。大南門曰挹薰。小南門曰德暉。北門曰星共。大東門曰來

青。小東門曰迎旭。上西門曰上升。中西門曰中興。下西門曰德潤。

二十八年。知縣劉魯生。建東西城樓各一。三十四年。知縣張學顏。因地震重修。

隆慶元年。知縣郭廷梧。增築內外城。各加一丈。共高三丈五尺。收頂一丈。

崇正三年。知縣張文光。築各門月城。

國朝康熙二十四年。知縣何遵約修。

二十七年。署縣事翼城知縣司鉉。修北門上西門中西門弔橋。

三十四年。知縣潘錦。因地震修城。

三十八年。修中西門樓。

三十九年。修中西門弔橋。

四十四年。修上西門月城。

雍正二年。知縣魏士瑛。建北門城樓。

八年。知縣王世銑。建古東門樓。古南門樓。小東門樓。古東門樓。祀文昌魁星。古南門樓。祀關帝財神。俱有碑記。

乾隆二年。銑以城垣年久失修。查明工段。估冊詳報。蒙撫都院奏准。俟有以工代賑之時。動項興修在案。

十年。知縣黃宸。查三十六里。所應分任城池事宜。年久無稽。因令三十六里。作三十四里分任。凡城垣以及城樓角樓城

坡炮臺。并北面磚城。在鄉三十二里。各任一分。在城四里。各任半分。城中每里。應各任一十五丈五尺。在鄉每里。應各任

新修曲沃縣志

卷七 城池

三十一丈。南薰里自南面西角起。挨里分轉東而北而西至西南角。褚牛里止。偶有些小損壞。該管里分。撥夫修補。又於

在城九約。每約設城總一名。總約一名。分爲管轄。遇有塌損。隨即報明修理。又蒙撫都院奏准。晉省工程繁多。沃邑分

爲第五次。癸酉年興修。乾隆十四年。欽奉

諭旨。晉省一切工程。暫行停緩。俟一二年後。再行奏請興修。

乾隆十八年。蒙撫都院奏准。俟第一二三四次修舉之後。再照原奏。依次請項興修。

乾隆二十一年。知縣張坊。修築城垣。并外四面馬道。各寬一

丈。高五尺。以護城基。

在城九約

舊名孝弟忠福潔康利汝而。九約各占一字。乾隆二十二年。知縣張坊。改爲牧長師儒宗主吏友藪

本。周禮。天官冢宰。以九兩繫邦國之民。一曰牧。以地得民

二曰長。以貴得民。三曰師。以賢得民。四曰儒。以道得民。五

曰宗。以族得民。六曰主。以利得民。七曰吏。以治得民。八曰

友。以任得民。九曰藪。以富得民。註。兩猶耦也。繫猶綴也。所

以協耦萬民而聯綴不散者。有此九事。

境內鎮 五處

侯馬

西莊

蒙城

曲村

高縣

後周書作高顯

境內市 十五

布市

棉花市

絨線市

菜市

果市

雜貨市

以上俱在古南關廂。

油市

柴市

米糧市

城內關外。以三日遞轉。俱在古東關廂。

羊市

在上西門內。

書市

靴市

俱在古通利坊。

棗市

新修曲沃縣志

卷七 城池

三

靛市

俱在古南關廂。

帶子市

在小南關神橋

境內集 八處

東閻集

在縣東南二十五里。古東閻里。

王村集

在縣東北二十五里。古北王村里。

曲村集

在縣北二十五里。古方城里。

下鄔集

在縣東北三十二里。古東下鄔里。

高縣集

在縣西北二十里。古高縣里。

西莊集

在縣西二十里。古西莊里。

侯馬集

在縣西三十里。古下馬里。

隘口集

在縣西南五十里。古驛橋里。

境內里

三十有六。邑舊六十八里。以明季兵荒累歲。戶口凋殘。知縣石瑩玉奉部文攢為三十六里。

南薰里

城內南一面附郭三

大南關

小南關

東馬莊

縣東五里

韓河里 村七俱在縣南

韓村 距城五里。
安吉 距城五里。舊名河底。

薛莊 距城十里。

安鵠 距城十里。詩云。從子于鵠。卽此。
南吉村 距城五里。

山底 距城十二里。
普河 距城十里。

上吉里 村六俱在縣東南

上裴莊 距城十三里。
下裴莊 距城十一里。
交里 距城十里。

北董 距城十五里。
南董 距城十六里。
李野 距城十七里。

林交里 村三俱在縣東南

林交 距城二十里。
任莊 距城十八里。
裴南莊 距城十五里。

新修曲沃縣志

卷七

城池

四

景明里 村九俱在縣東南

景明 距城二十里。
白水 距城二十里。
東明德 距城十五里。

西明德 距城十五里。
營里 距城十里。
西洲 距城十里。

常村 距城十里。
常安莊 距城八里。
望絳 距城八里。

東閻里 村七俱在縣東南

東閻鎮 距城二十五里。
西閻 距城二十四里。
南下郇 距城二十里。

盈村 距城十二里。
舍官村 距城十二里。
尉村 距城十三里。

楊家院 距城十一里。

北房西里 村六俱在縣東南

南屬寺 距城二十五里。北屬寺 距城二十五里。義門 距城二十里。

東洲 距城十五里。東下郇 距城十八里。北下郇 距城十八里。

吉樂里 村六俱在縣東

東棘壁 距城二十里。西棘壁 即晉垂棘產壁之地。吉莊 距城二十里。

平樂 距城二十五里。衛范 距城二十五里。東賀村 距城二十五里。

靳城里 村三俱在縣東北

靳莊 距城二十里。南常 距城十五里。庭城 距城十五里。

朔賢里 城內北一面附郭一

上西關

新修曲沃縣志

卷七 城池

五

西史里 村七俱在縣東北

史村 距城二十里。辛村 距城十五里。秦岡 距城二十五里。

張范 距城二十五里。東楊 距城十里。西楊 距城十里。

大楊村 距城十里。

郇西里 村八俱在縣東北

郇村 距城二十里。東常村 距城十七里。西常村 距城十六里。

河上 距城十六里。縣册 距城二十二里。吉許 距城二十里。

周莊 距城十九里。小莊 距城三十里。

東王里 村七俱在縣東北

北王村 距城二十五里。東海 距城二十五里。西海 距城二十五里。

南韓 距城二十七里。羊古村 距城二十四里。相傳為羊舌

常家圪塔 距城二十五里。毛張 距城三十里。毛音三從毛。

趙城里 村十俱在縣東北

北趙村 距城四十里。方城 距城三十里。上營里 距城四十里。

下營里 距城四十里。陳村 距城四十里。小巨村 距城四十里。

東白塚 距城三十五里。秦白起葬此。西白塚 距城三十里。

堯都村 距城三十里。焦莊 距城三十里。

義祥里 村六俱在縣東北

新修曲沃縣志

卷七

城池

六

修義 距城三十里。吉祥 距城三十里。義城 距城三十里。

山下 距城三十里。容裕 距城三十里。曲村 距城二十五里。

東楊里 村十俱在縣北

楊莊 距城三十里。聞喜莊 距城三十里。北辛村 距城三十里。

南柴村 距城三十里。北柴村 距城三十里。東下塢 距城三十里。

安定 距城三十五里。風潤 距城二十五里。辛村屯 距城二十里。

閻家河 距城二十里。

楊賢里 村六俱在縣東北

溝東 距城五十里。溝西 距城五十里。譚家莊 距城六十里。

萬戶 距城五十里。
楊家莊 距城五十里。
續家莊 距城六十里。

八頃里 村三俱在縣東北

八頃 距城四十五里。
問卦 距城三十五里。
下院屯 距城五十里。

東興里 城內東一面附郭三

大東關 小東關 北關

西張西里 村三俱在縣北

東張寨 距城五里。
席村 距城三里。
西張寨 距城五里。

西亭里 村十俱在縣東北

東寧 距城十里。
西寧 距城十里。
張莊 距城七里。

新修曲沃縣志

卷七

城池

七

蘇村 距城五里。
小吉村 距城六里。
上太許 距城九里。
古名大許。

下太許 距城八里。
南太許 距城八里。
東許 距城十二里。

西許 距城十一里。

苟王里 村十一俱在縣北

苟王 距城十里。
林節 距城十里。
北鄭村 距城十里。
古東絳村。

安居 距城十里。
安泉 距城十五里。
神泉 距城十里。
唐神泉軍府。

北白集 距城二十里。
靳家院 距城二十里。
常家院 距城二十里。

西白集 距城二十里。
段家院 距城二十里。

蒙城里 村八俱在縣北

蒙城鎮 距城四十里
西村 距城四十里
文敬村 距城四十里

里村 距城三十里
北辛村 距城二十五里
趙莊 距城三十里

南封王 距城二十五里
北封王 距城二十七里

文高里 村五俱在縣西北

高縣鎮 距城二十里
高陽村 距城二十里
汾陰 距城二十里

北莊 距城二十里
西上官村 距城十五里

上秦里 村九俱在縣西

南上官村 距城十里
南秦 距城十五里
西趙村 距城十里

小賀村 距城十五里
楊村 距城十五里
南王 距城五里

新修曲沃縣志

卷七

城池

八

北王 距城六里
東城 距城五里
西城 距城八里

南莊里 村八俱在縣西

南莊 距城二十里
東莊 距城十五里
北郭馬 距城十五里

大李 距城二十里
南鄔 距城十八里
北鄔 距城十八里

南郭馬 距城十五里
小南莊 距城二十里

觀莊里 村五俱在縣西

觀莊 距城三十里
西里 距城三十里
西小李 距城三十里

張村 距城三十里
東小李 距城三十里

西通里 城內西面附郭四

下西關

小西關

窑院

距城八里。

郝家山

距城十里。

楊林里

村六俱在縣西

林城

距城十里。

南楊村

距城五里。

鳳城

距城五里。

城小

距城八里。

香邑

距城十里。

西韓村

距城六里。

張喬里

村七俱在縣西南

喬村

距城十五里。

張少

距城三十里。

金沙

昔名沙圪塔。距城十五里。

營里

距城二十里。

山底

距城十五里。

傅家堡

距城十五里。

程村

距城二十五里。以晉程本得名。

新修曲沃縣志

卷七

城池

九

西郭里

村六俱在縣西南

西莊鎮

距城二十里。

郭村

距城二十里。

秦村

距城二十里。

厓上

距城二十里。

程王

距城二十里。

西北董

距城二十里。

下馬里

村七俱在縣西南

侯馬鎮

距城三十里。堡七。

西侯馬

即唐新田折衝軍府。

宋郭

距城三十二里。

汾上

距城三十三里。

白店

距城三十五里。

上馬

距城三十五里。

埡上

距城三十里。

南高里

村五俱在縣西

南平望

距城三十里。

下平望

距城三十里。

東高村

距城四十里。

西高村 距城四十里。 駘神 距城四十里。以臺駘汾神故名。

驛橋里 村十俱在縣西南

驛橋 距城四十里。 史店 距城三十五里。 隘口 距城五十里。即古厄口。

下院里 距城三十里。 東南張 距城四十里。 西南張 距城四十里。

莊裏 距城五十里。 上院村 距城四十里。 衛家莊 距城五十里。

李家山 距城五十里。

西賀里 村五俱在縣西南

虎祁 距城四十里。今名灣裏村。 西賀村 距城四十里。 張王村 距城四十里。

小韓 距城四十五里。 西陽城 距城四十五里。舊名羊城。

新修曲沃縣志

卷七

城池

十

褚牛里 村五俱在縣西

新田 距城三十里。 西馬莊 距城三十里。 牛村 距城三十五里。

褚村 距城三十七里。 北平望 距城三十七里。

聞之賈生。聖人有金城。城固不以形哉。乃子輿氏策滕。曰鑿日築。何言之若相違也。夫方城抗齊。渠邱入楚。往事固然矣。今四海一家。誰敢以沃為虞者。雖然。勇夫重閉。况儼然百里乎。故自詭諸以來。城屹於中。池環其外。周覽坊鄉。則又近者星羅。遠者綦布。雖一邑而先王居重馭輕之意。可以想見焉。

知縣 潘錦原敘

